

Von: administraziun Scolas Breil administraziun@scolasbreil.ch
Betreff: Info Model C
Datum: 8. Dezember 2021 um 13:38

Preziai geniturs

Il november ha la Cumissiun da scola decidu d'introducir naven digl onn da scola 2023/24 il model C al scalem superiur. Jeu supplicheschel Vus da prender enconuschientscha dalla comunicaziun aschuntada.

Salid cordial

F. Friberg, menader da scola



Scolas
Breil/Brigels

Francestg Friberg, menader da scola
Via Dadens 1
7163 Danis
079 449 63 79



Breil/Danis, ils 08.12.2021

Informaziun davart l'introducziun dil model C al scalem superiur dalla scola Breil

Pertuccont ils models da scola al scalem superiur stipulescha la lescha da scola cantunala resp. sia ordinaziun ils suandont:

- Il scalem secundar I ei dividius ella scola reala ed ella scola secundara.
- L'instituziun responsabla pil scalem secundar I sa menar la scola reala e secundara tenor ils dus models cooperativs B ni C (model B: model cooperativ senza roms da nivel; model C: model cooperativ cun roms da nivel).

Il november 2021 ha la Cumissiun da scola decidiu d'introducir naven digl onn da scola 2023/24 il model C (actualmein model B), entschevend culla 1. superiura.

Quei munta (denter auter) il suandont pil model C alla SB:

- Sin basa dall'assegnaziun definitiva ston las scolaras ed ils scolars vegnir attribui claramein alla scola reala resp. alla scola secundara.
- La scola reala e la scola secundara vegnan a vegnir menadas en classas da levels els roms romontsch, tudestg, matematica.
- L'instrucziun els auters roms vegn a succeder ella classa da tschep (classa reala, classa secundara).
- Las classas da nivel recepeschan – secund las fermezas – scolaras e scolars dad omisduas classas da tschep.

classa da tschep reala	level I level II	classa da tschep secundara
	roms da nivel: romontsch tudestg matematica	

L'introducziun dil model C pretenda ina nova planisaziun ed organisaziun d'uraris e da pensums da lavur pil scalem superiur. Quellas elaboraziuns succedan el decuors dil 2022. El rom dil proceder regular davart igl access al scalem superiur che entscheiva ella 5. classa, informescha la SB detagliadamein davart il model C a caschun dallas seras da geniturs dalla 5. classa e 6. classa igl atun 2022. El decuors digl onn da scola 22/23 succeda la decisiun dall'assegnaziun dallas scolaras e dils scolars dalla 6. classa tenor ils criteris dil model C. Igl onn da scola 23/24 vegn la 1. superiura a vegnir menada sco emprema classa tenor il niev model, la 2. e 3. superiura cuntinueschan cun model B.

Roman Cathomas, president CS

Francestg Friberg, menader da scola